




Ncauj Lus Txog Kev Kho Mob Hauv Xaim Tshuab rau Koj thiab Koj Lub Tsev Neeg

Nyob twj yam tom tsev sib ntsib nrog koj tus kws kho mob los sis kws tu xyuas kab mob kev nkeeg

Cov hom kev kho mob twg yog cov kheev muaj tau?

Cov hom kev kho mob hauv xaim tshuab uas muaj tau yog:

-  Cov kev kho mob dav, xws li cov kev sib ntsib nrog kws kho mob los sis kom tau tshuaj sau
-  Cov kev kho yam ntxwv xws li cov kev ntsuas txog kev puas siab ntsws puas hlwb thiab cov sij hawm sib ntsib nrog tus kws kho kev puas siab ntsws thiab kws kho kev puas hlwb
-  Cov kev pab tswv yim txog hniav, xws li kev ntsuas kab noj hniav thiab kev sau tshuaj tiv thaiv kab mob kom txog thaum twg koj mus sib ntsib tau tim ntsej tim muag

Xav tau tag nrho cov kev kho mob hauv xaim tshuab, thov mus xyuas www.dhs.wisconsin.gov/covid-19/forwardhealth.htm.



www.dhs.wisconsin.gov/telehealth/index.htm

Lub Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) mob siab tswj xyuas kom koj thiab koj lub tsev neeg tau kev mus cuag cov kev kho kab mob kev nkeeg. Yog tais koj rau npe tau Wisconsin Medicaid los sis BadgerCare Plus, koj yuav tau kev kho mob yam tsis tag mus ntsib koj tus kws kho mob tim ntsej tim muag. Qhov puas leej paub hu ua kev kho mob hauv xaim tshuab.






Kev kho mob hauv xaim tshuab yog dab tsi?

Kev kho mob hauv xaim tshuab yog txoj kev siv koj lub xov tooj, lub tshuab koos pib tawj, los sis daim phiaj tablet los sib tham los sis sib tham hauv duab viv dis aus nrog koj tus kws kho mob los sis tus kws tu xyuas kab mob kev nkeeg. Nws muaj xws li:

- Cov kev tu xyuas kab mob kev nkeeg
- Kev ntsuam xyuas txog ib tug mob
- Kev pab tswv yim txog txoj kev kho koj
- Kev kho koj ib tug mob



Kev kho mob hauv xaim tshuab ua hauj lwm li cas?

Ib txwm mas koj yuav tau mus cuag kiag koj tus kws kho mob los sis kws tu xyuas kab mob kev nkeeg tim ntsej tim muag rau ntau hom kev kho kab mob kev nkeeg.

Tam sim no koj muaj tau ntau yam kev kho mob hauv xaim tshuab los ntawm txoj kev siv koj lub xov tooj, lub tshuab koos pib tawj los sis daim phiaj tablet tsuav yog koj tus kws kho mob los sis kws tu xyuas kab mob kev nkeeg muab tau cov kev kho no rau koj zoo nkaus li thaum ntsib tim ntsej tim muag.

Koj tus kws kho mob los sis kws tu xyuas kab mob kev nkeeg yuav txiav txim seb koj puas txais tau kev kho mob hauv xaim tshuab. Yog tia skoj tsis xav tau kev kho mob hauv xaim tshuab los sis tsis muaj lub tshuab siv tau—xws li lub xov tooj, lub tshuaj koos pib tawj, los sis daim phiaj tablet—kom nws ua hauj lwm, koj yeej tseem mus sib ntsib tim ntsej tim muag tau nrog koj tus kws kho mob.



Kuv yuav siv kev kho mob hauv xaim tshuab li cas?

Thaum twg koj hu mus teem sij hawm, los sis tham nrog tus neeg tswj xyuas txoj kev kho mob rau koj los sis lub chaw pab them nqi kho mob, koj thov tau yog tias koj xav muaj txoj kev kho mob hauv xaim tshuab, hauv tshuab hluav taws xob saum huab cua, los sis hauv ntawv viv dis aus.

Koj xaiv tau txoj kev kho mob hauv xaim tshuab los sis tim ntsej tim muag nrog koj tus kws kho mob. Yog tias koj xav tau kev kho mob hauv xaim tshuab, tus kws kho mob mam li qhia koj siv koj lub xov tooj, lub tshuab koos pib tawj, los sis daim phiaj tablet kom mus koom tau kev sib tham.

Koj tus kws kho mob yuav qhia rau koj paub tias hom tshuab hluav taws xob wg thiaj yog yog ua hauj lwm rau koj lub sij hawm teem sib ntsib.

